

Ulloq. 17. November

Siunnersuisoqarfimmik inunnik akiitsoqartunik siunnersuisinnaasumik ikiuisinnaasumillu pilersitsinissamut periarfissat pillugit nalunaarusiornissaq pillugu Naalakkersuisut peqquneqarnissaannik Inatsisartut aalajangiiffigisassaattut siunnersuut. Siunertaasussaq tassaavoq akiitsut annikillisarniarlugit immikkut ilisimasallit tassunga iluaqutigineqarsinnaanersut nassuiarneqassapput, kiisalu taamatut siunnersuisoqarfiliorerup ingerlanneqarnera Landskarsimut qanoq ukiumutt akeqarumaarnersoq. Nalunaarusiaq 2016-mi ukiakkut ataatsimiinissaq sioqqullugu naammassereerneqarsimassaaq.

(Inatsisartunut ilaasortaq Naaja Nathanielsen, Inuit Ataqtigiit)

Inatsisartunut ilaasortaq Naaja Nathanielsen Inuit Ataqtigiit, qujanaq soqutiginarluinnartunik akiitsoqartunut siunnersuisinnaanermik ikiuisinnaanermillu pilersitsinissamik periarfissat pillugit nalunaarusiortoqarnissaannik Naalakkersuisut peqquneqarnissaannik siunnersuuteqarnernut.

Innuttaasugut akiittutta amerlialuttuinnartut sunik peqquteqarsinnaanerat siunnersuuteqartutut illit nammineerlutit oqaatigaatit.

Akiliisitsiniartarnerup pitsaannerusumik ingerlanneqarnissaa siunertaralugu akiliisitsiniartarnek Kommuunit namminnek ingerlassimasaraluar unitsinneqarnikuuvoq. Kommuunit taamanikkut suliaasaqarfimmik tassanga arsaarneqaleramiktamarluinnarmik akerliunikuupput. Ajoraluartumilli taamanikkut isumaqartoqarsimavoq Kommuunit akiliisitsiniaasarnermut naluallaartut.

Ullumikkulli killiffitsinni takusinnaavarput akiliisitsiniartarnek qitiusumiitingerlanneqaleralarualluunniit akiitsut ikiliartorsimangittut. Takusinnaasatsinnimi pisortanut akiitsugut 1 milliardit pallilerpaat. Taamatut akiitsut annertutigilersimasut sulilu amerliartortut innuttaasunut pisortanullu attackuminaattorujussuuvoq, soorlumi siunnersuuteqartoq taamatut oqartoq.

Taamaammat maani inatsisiliortutut uagutsinnut aperisarialerspugut.

1. Kisitsisit taaneqartut sunik imaqarpat?
2. Sooruna akiittut qaffakkaluttuinnartut?
3. Qanormi iliussuugut?

Siumummiit isumaqarpugut pisortanut akiittut iluini procenti annertoorujussuaq akiittunut tunngasuungittoq. Kisiannili inunnut akiliisinnaassuseerutereersunut, akiliisinnaassuseqanngittunut aammalu kinguaattoortunut eqqaasitsissutit, tuavisaarutillu allaffissorneq akilersinneqartariaqarmat annertoorujussuit akiligassat iluiniittut.

Ullumikkut akiliisitsiniariaaseq inuppassuarnit annernartutut isigineqartarpoq. Akiliisitsiniartartut "akeqqatut" isigineqarput. Taamatut inissisimaneq akiitsullip akiliisitsiniartarfiullu imminnut "oqaloqatigiissinnaanerannut" aamma annertoorujussuarmik killileqqavaa. Tamanna tupinnartuugunangilaq. Tassami akiliisitsiniartarfiup inunniik ungasillinerata kingorna akiitsullit sivoorujussuarmik attavigineqanngissinnarlutik ukiumut ataasiarluni angalasoqarneratigut inunnut pingaartumillu suliffeqarfinguanut mikinerusunut annernartumik kingunilimmik iliuuseqartoqartarluni.

Taamaammat oqaaspassuarnik Siumummiit massakut ilaartuinngikkaluarluta akiittoqartut qanimit suleqatigalugit siunnersuiveqalersinnaanermik periarfissanik nalunaarusioqqullugit Naalakkersuisut peqquneqarnissaannik siunnersuuteqarneq tamakkiisumik taperserlutigu matumuuna oqaatigaarput.

Jess Svane
Simut